



---

Broj: 05/1-50-14-51-17/11  
Sarajevo, 21.7.2011.

## ZAPISNIK

### 17. sjednice Nezavisnog odbora kao nezavisnog tijela policijske strukture BiH

Sjednica je održana 21.7.2011., s početkom u 10 sati.

Sjednici su prisustvovali članovi Nezavisnog odbora: Žiko Krunić, Bakir Dautbašić, Mato Jozić, Dragan Savić, Ljubomir Kuravica, Enes Obralića i Zijad Kadić.

Odsutni su bili Viktor Dadić i Stanko Nuić, članovi Nezavisnog odbora.

Sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara iz OHR-a, Fatima Miletić iz EUPM-a i Zoran Brkić iz Sektora za odnose s javnošću Parlamentarne skupštine BiH.

Sedamnaestu sjednicu sazvaio je Žiko Krunić, predsjednik Nezavisnog odbora.

Konstatirao je da postoji kvorum za rad te otvorio sjednicu. Nezavisni odbor jednoglasno je usvojio sljedeći

## DNEVNI RED

1. Usvajanje Zapisnika 16. sjednice Nezavisnog odbora, održane 29.6.2011. godine;
2. Dogovor o aktivnostima u vezi s raspisivanjem konkursa za pozicije rukovodilaca policijskih tijela iz nadležnosti Nezavisnog odbora kojima ističe mandat u 2011. godini,
3. Tekuća pitanja:
  - Zabilješka sa sastanka članova Nezavisnog odbora s direktorom Granične policije BiH.

### Ad.1. Usvajanje Zapisnika 16. sjednice Nezavisnog odbora, održane 29.6.2011.

Predsjednik Žiko Krunić, otvorio je raspravu o Zapisniku 16. sjednice Nezavisnog odbora, održane 29.6.2011.

S obzirom da nije bilo primjedbi, Zapisnik 16. sjednice usvojen je jednoglasno.

### Ad.2 Dogovor o aktivnostima u vezi s raspisivanjem konkursa za pozicije rukovodilaca policijskih tijela iz nadležnosti Nezavisnog odbora kojima ističe mandat u 2011. godini

Predsjednik Nezavisnog odbora, Žiko Krunić, upoznao je članove da je na zahtjev Nezavisnog odbora, zamjenik ministra sigurnosti BiH, Mijo Krešić, dostavio informaciju da je Mirko Lujčić Rješenjem Vijeća ministara BiH od 27.12.2007., a koje je objavljeno u

"Službenom glasniku BiH" broj 16/08 imenovan za direktora Državne agencije za istrage i zaštitu na mandat od četiri godine. Rješenje je stupilo na snagu danom donošenja.

S tim u vezi predsjednik je istaknuo da je prema Poslovniku o radu Nezavisnog odbora kao nezavisnog tijela policijske strukture Bosne i Hercegovine potrebno raspisati konkurs tri mjeseca prije isteka mandata direktoru Državne agencije za istrage i zaštitu.

### **Ad.3. Tekuća pitanja**

- Zabilješka sa sastanka članova Nezavisnog odbora s direktorom Granične policije BiH.

Predsjednik Žiko Krunić upoznao je članove Nezavisnog odbora da su 11.7.2011. Zijad Kadić, Ljubomir Kuravica i Viktor Dadić, članovi Nezavisnog odbora, održali sastanak sa Vinkom Dumančićem, direktorom Granične policije BiH.

Naglasio je da je sastanak održan u skladu sa Planom rada Nezavisnog odbora za 2011. godinu i zaključkom Nezavisnog odbora sa 16. sjednice, kako bi se ostvario neposredan uvid u rad Granične policije BiH.

Nakon toga otvorio je raspravu o ovoj tački dnevnog reda.

U raspravi su učestvovali Zijad Kadić i Ljubomir Kuravica.

S obzirom da nije bilo primjedbi, članovi Nezavisnog odbora su primili k znanju Zabilješku sa sastanka članova Nezavisnog odbora sa direktorom Granične policije BiH.

Predsjednik Žiko Krunić je istaknuo da smatra potrebnim održavanje sastanka članova Nezavisnog odbora i ministra sigurnosti BiH. Članovi Nezavisnog odbora nisu imali primjedbi u vezi s ovim prijedlogom.

Sjednica je završena u 11 sati.

Privremeni sekretar  
Nezavisnog odbora  
Alma Salkić-Mijić

Predsjednik  
Nezavisnog odbora  
Žiko Krunić